



**CENTRALNA BANKA
BOSNE I HERCEGOVINE**

Broj: UV-150-01-1- 659-3/21 SAK
Sarajevo, 02.03 2021. godine

Na osnovu člana 70. stav (1) i (3) Zakona o javnim nabavkama (Službeni glasnik BiH, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i člana 13. stav (3), člana 43. stav (1) i člana 45. stav (2) Pravilnika o javnim nabavkama, broj: UV-150-01-1-1467-3/20 od 27.07.2020. godine, Upravno vijeće Centralne banke Bosne i Hercegovine na 3. sjednici od 24. februara 2021. godine, donosi

O D L U K U

o izboru najpovoljnijeg ponuđača u postupku javne nabavke usluge čišćenja objekata za potrebe Centralnog ureda Centralne banke Bosne i Hercegovine – lot 1

Član 1.

Centralna banka Bosne i Hercegovine (u daljem tekstu: Centralna banka) ugovor za nabavku usluga čišćenja objekata za potrebe Centralnog ureda Centralne banke Bosne i Hercegovine – lot 1, putem otvorenog postupka, na period od dvije godine, dodjeljuje ponuđaču ATALIAN GLOBAL SERVICES BH d.o.o., Sarajevo, u svemu prema ponudi broj: KA-26/21 od 11. februara 2021. godine i Izvještaju o toku i završetku e-aukcije.

Član 2.

(1) Prema Izvještaju o toku i završetku e-aukcije, Ponuda ponuđača iz člana 1. ove odluke, glasi na iznos od:

261.652,00 KM bez uračunatog PDV-a

(slovima: dvjestošezdesetjednihiljadašeststotinapedesetdvije konvertibilne marke i 00/100)

odnosno

306.132,84 KM s uračunatim PDV-om

(slovima: tristošesthiljadastotinutridesetdvije konvertibilne marke i 84/100).

Član 3.

Centralna banka će, po sticanju uslova za zaključenje ugovora u skladu sa Zakonom o javnim nabavkama, s izabranim ponuđačem iz člana 1. ove odluke zaključiti okvirni sporazum za čije se izvršenje zadužuje Odjeljenje za zajedničke poslove Centralnog ureda Centralne banke Bosne i Hercegovine (u daljem tekstu: Odjeljenje za zajedničke poslove).

Sanja

Ju

Ja

Član 4.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine (u daljem tekstu: Odjeljenje za javne nabavke), Odjeljenje za zajedničke poslove i Odjeljenje za računovodstvo i finansije Centralnog ureda Centralne banke Bosne i Hercegovine (u daljem tekstu: Odjeljenje za računovodstvo i finansije).

Član 5.

Ova odluka će se objaviti na web stranici Centralne banke Bosne i Hercegovine, www.cbbh.ba, istovremeno s upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama ("Službeni glasnik BiH", broj 39/14).

O b r a z l o ž e n j e

Postupak javne nabavke usluga čišćenja objekata za potrebe Centralnog ureda Centralne banke Bosne i Hercegovine – lot 1, putem otvorenog postupka, pokrenut je Odlukom broj: 150-15-4-2390-2/20 SAK od 24. decembra 2020. godine. U skladu s tim, Centralna banka je objavila predmetni postupak javne nabavke, na portalu „e-nabavke“, pod brojem: 1370-1-2-4-3-6/21 dana 5. januara 2021. godine.

U roku određenom za prijem ponuda za lot 1, odnosno do 15. februara 2021. godine blagovremeno je dostavljeno šest ponuda i to:

1. EUROSAN d.o.o. Mostar;
2. KRISTAL d.o.o. Sarajevo;
3. ATALIAN GLOBAL SERVICES BH d.o.o.;
4. SAMSIĆ d.o.o. Sarajevo;
5. ECOTIME d.o.o. Sarajevo i
6. GLOBAL TECHNICAL SERVICE d.o.o. Sarajevo.

Komisija nadležna za provođenje postupka javne nabavke (u daljem tekstu: Komisija) je nakon izvršenog pregleda i ocjene ponuda konstatovala da je ponuda ponuđača GLOBAL TECHNICAL SERVICE d.o.o. Sarajevo neprihvatljiva iz razloga što ista ne sadrži Aneks 9. tenderske dokumentacije – „Popis dokumenata uz ponudu koji čini sadržaj ponude“. U tenderskoj dokumentaciji je jasno naznačeno da isti mora biti sastavni dio ponude. Također, ponuđač nije u cjelosti popunio nacrt okvirnog sporazuma – Aneks 6., a isto je traženo u Odjeljku C – „Podaci o ponudi, tačka 1., Sadržaj i način pripreme ponude, Ponuda mora sadržavati, alineja h)“. Ponuđač je dostavio garanciju za ozbiljnost ponude u iznosu od 4.500,00 KM, a tenderskom dokumentacijom je traženo 5.250,00 KM, što iznosi 1,5% od procijenjene vrijednosti nabavke za lot 1.

Ponude ponuđača EUROSAN d.o.o. Mostar, KRISTAL d.o.o. Sarajevo, ATALIAN GLOBAL SERVICES BH d.o.o., SAMSIĆ d.o.o. Sarajevo i ECOTIME d.o.o. Sarajevo, zadovoljavaju sve uslove tražene tenderskom dokumentacijom za lot 1, te je shodno tome

Janurij

Jm

da

zakazana e-aukciju za datum 18. februar 2021. godine u 14.15 sati, u trajanju od 10 (deset) minuta.

U skladu s kriterijem najniža cijena i Izvještajem o toku i završetku e-aukcije, Komisija je u svom Zapisniku o pregledu i ocjeni ponuda broj: 149-15-4-597-10/21 od 19. februara 2021. godine i Izvještaju o radu Komisije sa Preporukom broj: 149-15-4-597-11/21 od 19. februara 2021. godine, dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se uložiti žalba u pisanoj formi, Centralnoj banci, u roku od 10 dana od dana prijema odluke o izboru najpovoljnijeg ponuđača.

**Predsjedavajući Upravnog vijeća
Centralne banke Bosne i Hercegovine**



**GUVERNER
dr. Senad Softić**

Dostaviti:

- guverneru;
- članovima Upravnog vijeća;
- viceguvernerima;
- Uredu glavnog internog revizora;
- sekretaru Uprave i Upravnog vijeća;
- Odjeljenju za zajedničke poslove;
- Odjeljenju za računovodstvo i finansije;
- Odjeljenju za javne nabavke.